



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

10. Agapiti Secundi Pont. Max. Bulla Consistorialis, qua Iudicium & sententia Ottonis M. adprobatur, data Indictione VIII.

urn:nbn:de:hbz:466:1-14268

ne vel ipse Archiepiscopus Rurbertus, vel Successores eius Episcopi aliquid incommoditatis, vel in piscatione eiusdem fluuij, vel in vennâ in eo constructâ, vel in aliquo negotio, prædicto Abbati, Cœnobitisque postfuturis ingerant, & vt præsens nostræ regalitatis præceptum in postfutura sæcula fixum & stabile permaneat, manu propria subtus firmauimus: & annuli nostri impressione muniri iussimus.

Signum Domini Ottonis inuictissimi Regis.
Rudolphus Cancellarius ad vicē Brunonis Archicapellani recognoui. Data III. Kl. Septemb Anno Incarnationis Domini DCCCCLIII. Indictione VII. Anno verò Regni Domini Ottonis Regis XVIII. Actum Moguntia in Dei nomine feliciter. Amen.



10.

*Agapiti II. Pont. Max. Bulla consistorialis, qua Iudicium
& sententia Ottonis Magni adprobatur, Data prid.
Kal. Martij Indictione V III.*

Agapitus Seruus Seruorum Dei, Reuerendissimo Abbati Willihario totius charitatis exhibitionē in Christo. Nuntios vestræ almitatis ad sacrorum Apostolorum limina, partemque nostram Apostolicam dignitatem directos, Asolphum videlicet atque Guntharium cum magnâ beneuolentiâ suscepimus, ac illorum legationem præsentē omni Romano clero clementer audiuius: scimus verò ipsis referentibus sæpè ac multum vos vexatos à Roberto, quamuis in hoc minimè, in alijs tamen Venerabili Archiepiscopo, eo quod vobis commissum Monasterium sibi commissæ Ecclesiæ videlicet vellet subdere iniuste, nisi vos tueretur hinc inde iustum iudicium ex regia dignitate Serenissimi Ottonis prolatū: inde Kartæ Karoli Magni, atq; aliorum antiquorum Regum in medio recitatæ. Ergo ordo Romani Cleri, annuente nostra Apostolica dignitate, decreuit, vt super Monasterio vestro, dico autem illo, quod

in

in vicino Treuirensium murorum in honore S. Iohannis Euangelistæ fundatum, Sanctis Sanctorum Confessorum Maximini, Agritij, atque Nicetij corporibus dicatum, immobiles permaneant sententiæ in Kartis conscriptæ, Ottonis Regis, prædecessorumque eius Regum, Francorum videlicet, vt in præsentî & impostero sub regiâ tantum potestate permaneant, neque vlli vnquam alteri personæ subiaceat, excepto Abbate, quem eiusdem Monasterij fratres communi concordia secundum regulam elegerint: Si verò prædictus Archiepiscopus, aut aliquis successorum eius, seu alius quilibet fratrum, qui sunt, vel erunt in eodem Monasterio, quietem impiè crudeliterque turbauerit, nisi primo præsentî conscriptione, ac deinde ab Apostolicâ dignitate admonitus resipiscat, non vt Pastor, sed vt mercenarius tractetur: Idcirco si in tam pertinaci duritiâ persistit, ad vltimum nostrâ Apostolicâ autoritate excommunicetur. Et insuper bonis Regibus & Ducibus, iustisque Iudicibus resistentibus, compos voti sui nunquam fiat, Scriptum per manum Iohannis Scrinarij Sanctæ Ecclesiæ Romanæ. Data pridie Kalen. Martij Indictione VIII. Bene valete.

II.

*Ottonis Magni Imperatoris Diploma Datum Romæ,
Anno DCCCCLXII.*

IN nomine sanctæ & indiuiduæ Trinitatis. Otto diuinâ fauente clementiâ Imperator Augustus.

Quamuis omnium Ecclesiarum Dei curam nos oporteat gerere; præcipuè tamen, & specialius illius Ecclesiæ profectum & honorem augere, & confirmare dignum duximus, de qua & per quam Regni nostri, & Imperij corroboratur status, & per quam contactalem nostram, more prædecessorum nostrorum, dotali lege nobis associare, & in Regnum & Imperium sublimare debemus. Quapropter fidelium nostrorum tam presentium, quam & futurorum magnitudini notum esse volumus, qualiter nos piè salubriterque de nostri statu Regni tractantes, deuotamque sollicitudinem prædecessorum nostrorum Regum & Imperatorum, Constantini videlicet, Sanctæ Helenæ filij, nec non Theodosij, Mauritij, Dagoberti, Pippini, sed & Magni Karoli, aliorumque post illos vsque ad nos imitari cupientes, Adelheidam coniugem nostram dilectissimam cum Abbatia S. Iohannis Euangelistæ, quæ in suburbio Treuironum sita est, vbi S. Maximinus pretiosissimus Confessor corpore quiescit, cum omnibus Ecclesijs & possessionibus ad eam in quibuscunque locis iuste & legaliter pertinentibus, sicut antea, cum nuptiali fœdere & Regali consecratione eam nobis associarem in Regnum ultra montes in Galliæ partibus, ita nunc & in hac Romana vrbe, Sanctissimo viro Ioanne summo & vniuersali Papa, Beati Petri Apostoli vicem gerente, per Apostolicæ suæ auctoritatis Priuilegium confirmante, cum præfatâ Abbatia sicut primitus in regnum, ita & nunc in Imperium dotamus, sublimamus & corroboramus, præcipientes videlicet, & per hoc nostræ auctoritatis Priuilegium firmissimè decernentes, vt idem locus, cui Venerabilis Vir, Willherus Abbas, iam præesse dignoscitur, à Regni dote quacunque arte vel ingenio, nunquam auellatur, nec alicui sedi, vel Ecclesiæ, nec alicui Ecclesiasticæ, siue mundanæ personæ famula aut appendix vnquam subiaceat. Sed sicut sub prædecessorum nostrorum, sic sub nostro quoque suc-